

Powšitkowne WOZJEWJENJA

njedźelu, 2. awgusta 2015

Boža mša w telewiziji live z Hünfelda

Z Hünfeldskeho klóštra swjateho Bonifacija přenjese telewizijny scelak ZDF přichodnu njedźelu, 9. awgusta, w 9.30 hodž. originalnje Božu mšu. Hłowny celebrant budže pater Dirk Fey OMI, přédowanje změje pater Martin Wolf OMI. Wobaj mnichaj z rjadu oblatow staj w Serbach znataj.

Wustajeńca wo Turinskim póstnym rubje

„Štó je muž na rubje? Pytanje za slědami“ rěka titul wulkeje wustajeńcy, kotraž zaběra so z Turinskim póstnym rubom. Žro wustajeńcy je kopija Turinskeho póstneho ruba w originalnej wulkosci kaž tež postawa, kotraž wotpowěduje wotčišćej na rubje. 20 stelow, sydom witrinow ze wšelakimi eksponatami a wosom kóstkow k sedženju maja wopytowarjow k zamyslenju pohnuwać. Wustajeńca je wot soboty, 8. awgusta, hač do njedžele, 13. septembra, w Drježdžanskej katedrali přistupna.

Putnikowanje na swjedženju swjateje Marije donjebjeswzaća do Róžanta

Konwent cistercienskow klóštra Marijineje Hwězdy přeprošuje na swjedženju swjateje Marije donjebjeswzaća sobotu, 15. awgusta, na putnikowanje do Róžanta. Składnostnje wot bamža Franciskusa wuwolaneho Lěta rjadow budu knježny z druhimi rjadnikami a wšitkimi zajimowanymi wěriwymi Róžeńčansku mać Božu wopytać. Chcedza so dżakować za powołanja powšitkownje a swoje cyle wosobinske, prosyć wo nowe rjadniske a měšniske powołanja kaž tež pokućić za njeprawdu rjadnikow, wo kotrejž je zjawnosć w zaštych lětach zhoniła. Wšitcy, kiž bychu rady sobu putnikowali, zetkaja so we 8 hodž. z rjadnicami w klóšterskej cyrkwi w Pančicach-Kukowje. Němskorěčna Boža mša, kotruž změje farar Carl-Heinz Mertz z Berlina, budže w Róžeńce w 10.30 hodž. Kemšam přizamknje so zhromadny picknick, za kotryž měł kóždy putnik něšto sobu přinjesć. Putnikowanje zakónči so ze zhromadnym připołdnišim pačerjom. Dompuć z Róžanta měł kóždy za sebje rjadować.

Pytaja socialnu sobudželaćerku

Za Dom swjateje Ludmile w Chróscicach pytamy socialnu sobudželaćerku. Džělowe městno ma so 1. septembra wobsadzić a je na lěto wobmjezowane. Nadrobniše informacije dóstanu zajimowani wot nawodnistwa domu pod telefonowym čisłom (03 57 96) 9 47 30. Naprašowanje je tohorunja z mailku na info@st-ludmila.de móžne.

Wendelin Brézan